

主 黃季陸
編 陸 中華民國史料叢編

民報

主 黃季
編 陸
中華民國史料叢編

民報

中國國民黨
中央委員會
黨史史料編纂委員會印行

中華民國七十二年四月再版

中國國民黨黨史史料編纂委員會藏本
中央委員會黨史史料編纂委員會藏本
中華民國五十八年六月一日影印初版

民報

(精裝
八冊)

定價：臺幣二,四〇〇元
美金 六四元

版權所有·翻印必究

發行者：中國國民黨黨史史料編纂委員會

臺灣省臺北市中山南路十一號之一
郵政劃撥帳戶一四六一八號

經銷處：中央文物供應社

臺灣省臺北市中山南路十一號之一
郵政劃撥帳戶二一八一號

印刷者：國際印刷廠

臺灣省臺北市大同路一二五號

同盟會時代民報始末記

曼 華

一、民報緣起

中國同盟會雖先後開會於歐洲大陸，而總部成立，則在日本東京。蓋西歷一九零五年秋季，孫總理由歐洲抵日京，乃召集同志，會議革命進行方略，并定黨名為中國同盟會，總部成立，肇端於茲。旋八月二十日復集會員於赤阪阪本金彌爵邸，始決議創立民報，以振揚革命理論，闡明三民主義為宗旨。於時立憲黨魁梁啟超正在橫濱，設新民叢報，鼓吹立憲，其思想文章，數與革命黨人相反。民報之出，殆首在廓清反動言論，抽繭剝蕉，而後革命理論之真諦以明，三島留學之士，多傾心革命而蓬勃不可遏抑者，實民報之功也。

報字曰民，所以者何？原 孫總理數十年舟車栖壘，顛播海外，其拳拳不侮所提倡革命者，厥為三民主義：曰民族、曰民權、曰民生。茲三大主義胥基於民，故民報之稱，於焉以定。

二、政治革命與社會革命並行

世之論者咸以民報之立言，多偏於民族革命；實則不然。夫自滿人入主中原，漢臘不祀，政綱傾圮，國勢頹靡，授之革命之程序，自當先以推翻滿清政府為事，俾樹民族自立與平等之基。惟二十世紀人類社會結縷之所在，不僅政治之改革，而以社會問題為尤。孫總理博覽東西史實，遠矚人類將

來，故不能不覺鑄並顯，防禍未萌。有民報序詞云：

「余維歐美之進化，凡以三大主義：曰民族，曰民權，曰民生。羅馬之亡，民族主義興，而歐洲各國以獨立。泊自帝其國，威行專制，在下者不堪其苦，則民權主義起。十八世紀之末，十九世紀之初，專制仆而立憲政體殖焉。世界開化，人智益蒸，物質發舒，百年銳於千載。經濟問題繼政治問題之後，則民生主義躍躍焉動，二十世紀不得不為民生主義之擅場時代也。……」

觀此則知 總理革命之抱負，不僅拯華漢齊民於瘴疫異族之手；且欲由斯漸進，以躋世界於大同。蓋以歐美現時勞資階級之對立，顯為積重難返之病態；而中國工商凋敝，受病弗深，「學政治革命、社會革命畢其功於一役」，庶幾二次之喋血，無由再現矣。

民報最初之撰稿者，如胡（展堂）、汪（季新）、朱（執信）、宋（遜初）諸氏，為文立論，探奧擷微，莫不以闡發此三大主義為任。胡展堂於民報第三期纂民報之六大主義一文，足為是報詳確之宣言，其綱目為：（一）傾覆滿清之惡劣政府；（二）建設共和政體；（三）在土地國有。之三者為對內之主張，概括民族、民權、民生三大主義之要領。（四）維持世界真正之和平；（五）主張中國日本兩國之國民的連合；（六）要求世界列國贊成中國革新之事業。之三者為對外之主張，它如縣解（朱執信）之社會革命與政治革命並行諸論，胥足以為民報時代革命理論之重要文獻。

厥後章枚叔氏出獄東渡，主纂民報，而民報之文章風尚，為之稍變。論者以民報偏重民族革命之宣揚，殆眩於章氏之文所由誤也。惟以革命之實際工作，着着失敗，環境關涉 民報之態度，遂不能不因之以轉移，此陶成章氏主纂時所以「專以歷史事實為根據，以發揮民族主義，期於激動感情，不

入空漠」爲旨也。特吾人今日馨香諷誦民報全帙，往復繹思，覺諸實文字，攝新除舊，理愈精湛，語其於政治革命與社會革命，或有次列之後先，而並非權衡其輕重，斯則可已。

三、日本文部省之取締規則

同盟會既定民報爲革命之喉舌，乃於西歷一九零五年（乙巳）十一月二十六日出版於東京牛込區新小川町二丁目八番地。撰稿者爲陳星臺、胡展堂、汪季新、朱執信、汪旭初諸人，而以張博泉爲編輯。第一期方出，值日本文部省頒布取締留學生規則，一時留學界頗爲憤激，罷課者八千餘人，以與日政府抗。東京新聞紙竟詆留學生爲放縱卑劣，尤足激怒。陳星臺因是極憤，突於十一月十二日（陽歷十二月十七日）自蹈大森海灣而死，橫流怒嘯，實志以殉，遺絕命書一，有勸留日同學「堅忍奉公，力學愛國」之語。時同盟會員對取締規則，顯分兩派，各執一端。一則主張全體留學生遣返祖國，創學滬濱，秋瑾、田桐輩主之；一則反是，以求學異邦，宜忍辱負重，未可輕率歸國，胡展堂、汪季新等主之。爭論局終，卒以後者居勝。嗣秋瑾女俠，竟因是遣返國門，越年竟殉難於杭州（編者按：秋瑾烈士係民元前五年——公元一九〇七年殉難於紹興）。而民報第二期，以陳星臺蹈海事，致延期始得出版。

四、章炳麟之出獄東渡

西歷一九零六年，民報出版至第五期，而章太炎前因蘇報案被錮於上海西牢，至是期滿出獄，東

京同盟會本部即派會員龔鍊百、時功玖、仇式區等至滬迎章氏赴日，留學界爲開歡迎會於錦輝館，日本宮崎寅藏（白浪滔天，著三十三年落花夢）亦與斯會。章氏講演，載民報第六期，其革命思想，爲：（一）提倡佛教，以充實革命之道德；（二）提倡國粹，以保持漢族之歷史；末復引戴東原「法律殺人，猶爲可救；禮教殺人，便無可救」之語，以證滿清君主常用宋儒理學，虐殺華漢人民。凡此皆章氏援引國學鼓吹革命之意也。要之立說雖異，而陳義甚精，其與三民主義之理論，固殊途而同歸也。

五、章炳麟主編時之民報

民報自六期始，歸章枚叔主編。章氏以經學大家，懷民族思想，兼通內典，旁治訓詁，因之文章別具一體，殆所謂中國古文之殿將者也。彼常潛心於中國歷代之文字語言典章制度，故發爲議論，多能闡揚民族主義，黃肯獲焉，畛域分明。而其旁涉佛家法相，以挹注革命者，則取其「依自不依它」之德教（見章太炎答嚴鍾書，民報第十四期）。余常謂民報諸賢文章，汲引新舊，滌除陳舊，以法理之言勝者，則爲胡展堂、朱執信、汪季新、宋遜初諸先生。若夫博徵經史，評議政教，以國學言勝者，則以章枚叔先生爲最。但專以學術論，劉申叔固亦不惡，乃未幾而遽變節，則可惜矣。

六、民報紀元節慶祝大會

一九零六年十二月二日，民報社舉行紀元節慶祝會於神田錦輝館，與會者六七千人，黃廬午主席

，章枚叔讀祝詞。（編者 祝詞文字與本輯馮著「記中國同盟會」篇內所 相同，見續第（125）頁，為避免重複，茲從略。）

孫總理登壇演講三民主義及五權憲法之概要，聽衆爲之動容。時日本革命評論社員如宮崎寅藏、平山周暨，亦相繼登壇爲民報祝語，并述革命之必要。餘如黃屬午、章枚叔、田梓琴、喬宜齋暨，前後發言，齊極激昂，掌聲雷動，從八時至二時，會始散。會衆咸出資，以助民報經費。與會者人饒「天討」券一枚，藉作紀念。「天討」者，民報週年紀念之特刊也，迄民報第十二期始出版，中爲各省同志討滿檄文。書面「天討」，爲林文所署，是書亦爲黨史之重要文獻。

七、孫總理離日時之黨潮

自民報週年紀念會後，清吏以革命風聲振撼中外，甚爲懷懼。一九〇七年民報出版至第十一期，日本政府徇清駐日公使楊樞之請，驅逐總理，但諱驅逐之名，以盛筵款待之，勸其出境，并僱程銀三千元。總理即攜款赴南洋羣島，籌劃起義，胡展堂、汪季新、黃屬午，亦先後往贊軍事。同盟會有一部分人因之頗致疑於總理。說者謂當時同盟會員有肆力於極端無政府主義者、如朱義順等，於茲事不爲無因也。未幾潮惠、欽廉事起，相繼失敗，東京黨員尤爲驚然。及鎮南關 河口諸役發難，黨員紛紛歸國，參與運動，黨內暗潮乃息。

民報自第十二期後，因胡汪離日，遂由章枚叔、宋遜初、汪旭初、劉申、黃季剛暨任撰著。至第十八期，章氏以腦病辭職就醫，仍由張溥泉繼任編輯。後以張氏擬往巴黎，故第二十期改由陶煥卿

編輯。民報之所以發揚民族主義，期於激動感情爲事者，蓋自陶氏編輯時始，實則章氏仍撰文如故也。

八、民報提倡俠風與其封禁

及民報出版至二十三期，主編人又歸章叔叔，而以湯公介副之。公介爲早稻田大學生，因片馬問題及河內事，與呂志伊（天民）、趙仲（直齋）、楊振鴻（秋帆）四人被清廷開除官費，下令通緝，一九零八年入民報社爲編輯。於時黃盧午因鎮南、河口諸役之敗，抑鬱來日，與章、湯同居。湯氏鑒於革命工作，進行困難，復傾慕一九零五年以來俄國革命黨人之事業，撰論文章如崇俠篇（第二十三期）、革命之心理（第二十四期），咸激勵俠風，以暗殺爲急務，其言曰：

「吾所取鑒於印度，爲其俠也，其虛無黨人一爾。夫吾激揚俠風，何哉？欲以陳師鞠旅，化而爲潛屠暗殺，並以組合蒞盟，轉而爲徑情孤往，旨同則曰黨，行事則無羣，蓋亦創始之局也。」

又曰：「與其陰柔操縱，固不如狙擊特權，懲創富惡。」

又曰：「夫今之世，脂韋成習，狂狷爲難，得一英雄，誠不如得一烈士。英雄罕能真，烈士不可以僞也；一以權謀勝，一以氣骨勝。」（俱見民報第二十四期「革命之心理」。）

凡此足見作者欲以吳樾炸擊清五大臣之暗殺，砥礪同志，故以爲與其陳師鞠旅，耗時費財而不能濟，不若徑情孤往，潛屠暗殺，更使敵虜怯心魄也。

惟民報掲載「革命之心理」一文，遂爲末運。緣當時清廷遣唐某爲中美聯盟專使，道經日本，民

報章枚叔爲作「清美同盟之利病」短評，微露抨擊意。唐某覺之，囑清使與日政府交涉，求封禁民報。日政府懼中美同盟，弗利於己，亦准清使請，以見好清廷；故藉口民報所載「革命之心理」，有激揚蹈殺破壞治安之嫌，即行封禁，不准發行。於時黃廬午、宋邁初等主張延聘律師，向日本法庭控訴日政府之違法。彼國民黨宮崎氏且將「革命之心理」譯成日文，以爲法辯論資料。惟結局民報社敗訴，故出版至第二十四期，即以中止。

九、汪季新祕密出版之民報

民報既被封禁於東京矣，黃廬午、章枚叔、宋邁初共議以民報移美國出版；章氏並邀湯公介等結伴西遊，其護照且已辦妥；會因它故不果行，議遂寢。

一九零九年，汪季新由南洋羣島至日京，復於一九一〇年一月一日，祕密刊行民報第二十五期，標稱法國巴黎濮侶街四號出版，實則仍在日本印刷。至第二十六期，則戡然止矣。

章枚叔開汪季新繼刊民報，意頗不懌。蓋汪氏之續出民報也，以巴黎新世紀報社同人兼任印刷發行之事，實則係假名義耳。章氏夙反對新世紀報，其數與吳稚暉書及所著台灣人與新世紀記者諸文，皆足以見其意。至是乃作致美洲南洋各處之函，斥第二十五期以後之民報爲僞，其函揭之於日華新報。說者謂枚叔夙病神經，易於譏惑，而季新則其心孤往，致有以誤會之也。

汪季新之著「革命之決心」一文也，蓋承民報激揚俠風之遺韻而來，其論旨以爲卓犖之士，其義理之勇，可見者有二：一曰不畏死，二曰不憚煩。結論有云：「是故不畏死之勇，德之烈者也；不憚

煩之勇，德之貞者也。二者之用，各有所宜，譬之炊米爲飯，盛之以釜，熟之以薪，薪之始燃，其光熊熊，轉瞬之間，卽成爛燼。然體質雖減，而熱力漲發，成飯之要素也。釜之爲用，水不能蝕，火不能鎔，水火交逼，實不少礙其實，以至於成飯，其熬煎之苦至矣，斯亦成飯之要素也。嗚呼！革命黨人將以身爲薪乎？抑以身爲釜乎？亦各就其性之所近者，以各盡所能而已。革命之效果，譬則飯也，待革命以蘇其困之四萬萬人，譬則哺饑而待哺者也。革命黨人以身爲薪，或以身爲釜，合而炊飯，俟飯之熟，請四萬萬人共饗之。」汪氏屬文之後，殆欲以己爲薪，促成革命之效果，故遺書胡展堂，則比之爲釜，於是毅然渡海北上，孑身入燕都，深探虎窟，晝伏夜出，謀炸攝政王，事既不成，而慷慨不屈，羈縲絏中者十數閱月。

一〇、民報社之毒茶案及變節黨員

一九零八年，民報既遭封禁，章枚叔、湯公介及黃復生（四川人）仍同居民報社。枚叔日至國學振起社講學，而公介任大成中學附設中國留學女生講習所國文教師。時章枚叔與劉申叔、何振夫婦，以事不睦，乃至絕交。申叔之戚有汪公權者，亦黨中人，時或來社，瞰枚叔不在，便攀公介雜談。一日，公介課畢歸，渴甚，方就茶壺飲，覺其味異，頭目暈眩，急入隣近某醫院請診。幸未入口，毒不得中，經醫士檢驗茶水，知爲人混摻猛性毒物。醫士蓋警署之醫官也，急爲報署，一時民報社之毒茶案，轟傳東京（時湯公介在警署所報假名爲鄧誠意君，故日本新聞紙所載民報毒茶受害人爲鄧誠意君）。經日本警署秘密偵察，半月有餘，迄無要領；留學界稍有嫌疑，而被拘訊者十數人。惟是案出後，

不數日，汪公權忽以往滬聞，始知茶毒一案，汪氏實為主犯。蓋汪氏放毒之意，或不專在公介、枚叔，惟以曾受清使之賄而為耳目，非此不足以堅信用。後聞即此一案，汪氏竟得使館五千元云。

汪公權既歸滬，自以為逍遙法外，無以患也。閱日不久，乃蹀躞於四馬路，途遇黨中俠士王金發其人，憤汪曾黨求榮，遂以手鎗擊殺之。劉申叔夫婦以居東京備受黨人冷淡，亦相偕適返國門，投効於滿吏端方。申叔抵滬時，且遺書黃厘午、林廣慶、湯公介等，詆章枚叔，致函端午橋，由劉妻何振轉交，要挾巨款二萬，即舍革命而不言，往印度為僧，以終其身云。附章氏關於此事之手書真蹟照片，厘午等一笑置之。迄辛亥光復之際，端方被戕於資州，章枚叔乃不念舊惡，徵訪劉申叔之蹤跡，以為申叔乃讀書種子，未可多殺，憐才之心，盎然言表。厥後申叔、枚叔厚誼，復言歸於好云。

一一、民報撰著人署名索隱一覽表

署名	作者	別號	籍貫	重	要	撰	著
漢民	亦名衍鴻	展堂	廣東	排外與國際法、民報之六大主義、述侯官嚴氏最近政見、就土耳其革命告我國人等。			
(一) 思黃	胡漢民		廣東	論中國宜改創民主政體、中國革命史論、獅子吼(殘編)、周君辛鑠事略等。			
(二) 過庭	陳天華	星臺	湖南	論滿政府雖欲立憲而不能、社會革命與政治革命並行、就論理學			
(一) 塾仲	朱大符	執信	廣東	駁新民叢報論革命之謬、土地國有與財政、心理學的國家主義、德意志社會革命小傳等。			
(二) 縣解							

(一)精衛 (二)守約	汪兆銘	季新	廣東、民族的國民、最新民衆報最近之非革命論、滿州立憲與國民革命、論革命之趨勢、革命之決心等。
君武	馬君武		廣西帝民說、法蘭西共和國建造者甘必大傳(未完)。
寄生	汪東	旭初	江蘇論支那立憲必先以革命、復仇論、正明夷(明夷,即康有爲之化名)、法國革命史論、劉道一碑文、鷄窗話股等。
聘齋	宋教仁	後號漁父 遜初	湖南一九零五年露國之革命、萬國社會黨大會略史等。
太炎	章炳麟	枚叔	浙江俱分進化論、無神論、革命之道德、建立宗教論、黨新黨論、人無我論、社會通銓商竟、官理索隱、中華民圖解、五無論、定復仇之是非、國家論、大乘佛緣起說、排端平議、駁神、我憲政論、五朝法律索隱、代議然否論等。
章裔	劉光漢	申叔	江蘇利害平等論、清儒得失論、非滿人非中國之臣民、悲佃篇等。
逕號	黃侃	季剛	湖北專一之驅滿主義、哀貧民、釋俠等。
(一)揆鄰 (二)仁愛	湯增璧	公介	江西人世之悲觀、崇俠篇、革命之心理、哀政團社員、康梁之今昔、劉道一傳記(未完)。
漢思	陶成章	煥卿	浙江桑海遺徵。
(一)石印血版 (二)南史氏	陳去病	佩忍	江蘇明清最初之交涉、清初赫圖啊喇四祖考、南滿北關考、明清遞嬗之往蹟、虎復遺恨、永明皇帝殉國定記、徐錫麟傳。
義皇正胤	易本義		湖南南洋華僑足略。
南國行人	晏殊大師 蘇元瑛	子穀	廣東沙羅海潛跡記、嶺海幽錄。

樓滿				革命橫議。
餘波	湯增璧	公介	江西湖廣總督之滑稽（時評）。	
明民	周仲良		貴州涓涓談。	
夢蝶生	葉夏聲		廣東無政府黨與革命黨之說明。	
去非	胡漢民		俄國立憲後之情形、考察政治五清臣之怪狀等時評。	
自由	馮自由		廣東轉載中國日報「民生主義與中國政治革命之前途」。	
民意	汪同用		告非難民生主義者、紀七月十五日歡迎章枚叔先生事、紀十二月二日本報紀元節慶祝大會及演說、土耳其革命、波斯革命。	
辨姦	胡漢民		斥新民叢報之謬妄、俄國革命黨之日報等。	
仲密	周作人		浙江西伯利亞紀行（俄國克魯泡特金原著）。	
公俠	呂復	劍秋	河北雜譯印度自由報文字。	
恨海	田桐	梓琴	湖北有來書罵梁飲冰一件。	
鐵錚	雷昭性	鐵崖	四川政府論。	
爐魂	劉崧衡		湖南南洋華僑史略序。	

无首	伯揚	無俚	病已	浴日生	夢生	孤鴻	淵實	妓頭抱香者	壘仇	屠富	石頑	(一)漢血 (二)愁子
							廖仲愷			廖仲愷		
帝王暗殺之時代、蘇菲亞傳、巴枯寧傳。	人權宣言論。	禹之謨被殺、孔子非滿州之護符等時評。	敢死論。	海國英雄記(小說)。	革命軍與戰時國際法。	剛德之學說。	社會主義四大綱、無政府主義之二派、無政府主義與社會主義虛無黨小史。	新民叢報之怪狀。	清政府決定賣送漢人礦產(時評)。	進步與貧乏(時評)。	清政府又將興獄耶、異哉清政府之所謂改正法律者如此等時評。	合著崖山哀。

大邱			斥新民叢報土地國有之謬等。
不佞黃侃			論立憲黨與中國國民道德前途之關係。
定思			雙梧軒偶記。
七曲山民			虎口餘生記（譯品）。
信川			哀太平天國。
尊周			大同報滿清問題駁論。
思古			論漳州當明末時代於中國爲敵國。
稼軒			明清戰談。
臺山羅某			印度自由報、電光（小說）。
三葉			一文錢（小說）。
血淚			旅俄日記（譯品）。
江海			漢逸史談屑。
虬髯客			嘉應黨獄感言。

表中有未克註明姓名者，深爲抱歉，本人肯來函指示，彌爲厚幸。

一二、民報各期出版發行的年月一覽表

期	數	西歷紀元	年	月	日	編輯人
第一期	期	一九〇五年	乙巳	十一月	二十六日	張繼
第二期	期	一九〇六年	丙午	一月	二十二日	張繼
第三期	期	一九〇六年	丙午	四月	五日	張繼
第四期	期	一九〇六年	丙午	五月	一日	張繼
第五期	期	一九〇六年	丙午	六月	二十六日	張繼
第六期	期	一九〇六年	丙午	七月	二十五日	章炳麟
第七期	期	一九〇六年	丙午	九月	五日	章炳麟
第八期	期	一九〇六年	丙午	十月	八日	章炳麟
第九期	期	一九〇六年	丙午	十一月	十五日	章炳麟
第十期	期	一九〇六年	丙午	十二月	二十日	章炳麟
第十一期	期	一九〇七年	丁未	一月	二十五日	章炳麟